

186
20
24

東 京 圖 書 館

漢書門

正
上
類

函

架

號

冊

綱鑑精采

十



綱鑑精采卷之十

東周綱鑑

南北朝 按南北二朝不能混一今依綱目各分註其年以紀其事以見天下國統

宋紀 附北朝魏

高祖武皇帝 姓劉名裕字德興彭城人仕晉爲大尉封宋王受恭帝禪建國號宋

在位三年壽六十七

永初元年 庚申○魏太宗明元帝拓跋嗣秦常

燕北涼西涼凡七國 宋王欲受禪而難於發言六月宋王

至建康傅亮具詔草使帝書之帝欣然操筆謂左右曰桓玄之時晉室已無天下重為劉公所延將二十載今日之事本所甘心遂書赤紙為詔遜于琅瑯第宋王為壇於南郊即位立王太子義符為皇太子○裕廢帝自立徐廣流涕哀慟侍中謝晦謂之曰徐公得無小過廣曰君為宋朝佐命身是晉室遺老悲歡事固不可同○謝晦還都賓客輻輳兒瞻駭曰汝名位未多而人歸輒衆此豈門戶之福耶乃以籬隔門戶曰

吾不忍見此及宋主即位晦位任益重瞻愈憂懼臨終遺晦書曰吾得啓體幸全亦何所恨弟思自勉勵為國為家

三年壬戌○魏泰常七年宋以徐羨之為司空錄尚書事

○宋主疾甚為手詔曰後世若有幼主朝事一委宰相母后不煩臨朝徐羨之等被顧命遂殂太子義符立

營陽王各義符高祖太子史曰少帝及高祖崩即位居喪無禮徐羨之等廢而弑之在

壽十九

景平元年癸亥○魏泰帝八年柔然寇魏邊魏築長城自

赤城至五原二千餘里○魏主嗣俎太子燾立

太宗長子是為世祖太武皇帝○魏立天師道場

太祖文帝名義隆高祖第三子初封宜都王徐羨之等廢營陽王乃迎立之在位三

十年為太子邵所弒壽四十七

元嘉元年甲子○魏世祖太武燾始光元年五月宋徐羨之等

廢其主義符為營陽王尋弒之迎宜都王義隆

立之

四年丁卯○魏始光四年晉徵士陶潛卒潛字淵明少有

高趣嘗為彭澤令在官八十餘日郡遣督郵至

吏白應束帶見之潛歎曰我豈能為五斗米折

腰向鄉里小兒即日解印綬去賦歸去來辭著

五柳先生傳以自况潛自以先世晉臣不肯仕

宋歿號靖節先生

尹起莘曰陶潛在晉自其初年出處大致已
有可觀至劉宋移國耻復屈身遂不出仕卒
能保全名節故綱目特以晉處士書之明其
不失身於宋氏獨得為晉全人也其視楊雄
失身莽賊而書莽大夫楊雄
死者其得失不大相遠哉

七年庚午宋主有恢復河南之志詔簡甲卒五萬

給右將軍到彥之遣使告魏主曰河南舊是宋
土中為彼所侵今當脩復舊境不關河北魏主
大怒曰我生髮未燥已聞河南是我地此豈可
得今當權斂戍相避須冬寒地凍河水堅合自
夏取之到彥之自淮入泗沂河西上逆流而魏
主命諸軍收衆北渡於是司袁皆平諸軍咸喜
王仲德獨有憂色曰諸賢不諳北土情偽必墮
其計虜雖仁義不足而凶狡有餘今斂戍北歸
必并力完聚若河水既合將復南來豈可不以

為憂乎

要見不知者非
其人之罪也知
而不告於君者
非盡臣之心也

八年

辛未○是歲秦夏皆亡凡四國

宋檀道濟等進至濟上前

後與魏三十餘戰道濟多捷軍至歷城魏叔孫
建等縱輕騎邀其前後焚燒穀草道濟等食盡
引還軍士有亡降魏者具告之魏人追之衆恟
懼將潰道濟夜唱籌量沙以所餘少米覆其上
及旦魏軍見之謂道濟資糧有餘以降者為妄
斬之道濟全軍而返

十三年

丙子○是歲燕亡凡三國

宋檀道濟立功前朝威名

甚重朝廷疑畏之下詔誅之道濟見取憤怒目
光如炬脫幘投地曰乃壞汝萬里長城魏人聞
之喜曰道濟死吳子輩不足復憚

十五年戊寅宋主性仁厚恭儉勤於為政百官皆

久於其職守宰以六期為斷吏不苟免民有所

繫三十年間晏然無事戶口蕃息閭閻之內講

誦相聞士敦操尚鄉耻輕薄江左風俗於斯為

美後之言政治者皆稱元嘉焉

二十三年丙戌魏崔浩勸魏主盡誅天下沙門毀

諸經像從之塔廟在魏境者無復孑遺

尹遂目曰自佛入中國人皆敬奉其法以求
福利未有敢訾之者至魏主燾乃毅然去之
亦可謂剛正不惑者矣然世之議者或以魏
主不得其終為毀佛之報抑不知梁主行奉
佛尤篤得禍尤慘豈佛獨靈於魏而不靈於
梁耶要知人之禍福自繫乎善惡之積而奉
佛與否初無預也

初遼東翟黑子受布事覺謀於高允允曰公惟
幄寵臣有罪首實庶或見原黑子不以實對魏
主殺之魏主使高允授太子經及崔浩以國史
刊石被取太子召允曰吾為卿導但依吾言魏

主問曰國書皆浩所為乎允對曰臣著述多於浩魏主怒曰允罪甚於浩太子復解之魏主問信如東宮所言乎對曰臣罪當族殿下哀臣欲丐其生耳魏主顧謂太子曰直哉此人情所難而允能為之臨死不易辭信也為臣不欺君貞也宜特除其罪以旌之遂赦之允退謂人曰我不奉東宮指導者恐負翟黑子故也

二十六年巳丑宋主欲經畧中原群臣爭獻策以迎合取寵彭城太守王玄謨尤好進言宋主謂

侍臣曰觀玄謨所陳令人有封狼居胥意謂令

起北伐之意也狼居胥匈奴中山名○魏群臣引蕭何非壯麗無

以重威之言請脩宮室魏主曰蕭何之對非雅

言也財者軍國之本不可輕廢○宋主欲伐魏

徐湛之江湛王玄謨等並勸之沉慶之諫曰檀

道濟再行無功到彥之失利而返今料王玄謨

等未踰兩將六軍之盛不過往時恐重辱王師

固陳不可宋主使徐湛之江湛難之慶之曰治

國如治家耕當問奴織當問婢陛下今欲伐國

而與白面書生輩謀之事何由濟宋主不從乃
大起軍旅使主玄謨進圍滑臺魏主擊之玄謨
退走魏主引兵南下所過無不殘滅城邑皆望
風奔潰魏軍至瓜步聲言欲渡江宋主登石頭
城有憂色謂江湛曰北伐之計同議者少今日
士民勞怨朕之過也又曰檀道濟若在豈使胡
馬至此

二十八年辛卯魏人凡破南徐袁豫青冀六州殺
掠不可勝計所過郡縣赤地無餘春燕歸巢於

林木言無人家可巢而歸依乎林木也自是邑里蕭條而元嘉

之政衰矣○初宋與夏約合兵滅魏崔浩曰義
隆與赫連定遙相招引以虛聲唱和莫敢先入
譬如連雞不得俱飛無能為害魏主遂如統萬
謀襲平涼○崔浩善占天文魏主指浩以示高
車渠師曰此人疋纖懦弱不能彎弓持矛然其
胸中所懷過甲兵朕前後有功皆此人所教也

二十九年壬辰○魏高宗文成帝濟興安元年魏中常侍宗愛執

其君燾尚書源賀陸鹿勒兵誅愛奉皇孫濬即

位濟景穆太子之子是為高宗文成皇帝

三十年癸巳二月宋太子劬弑其君義隆武陵王

駿舉兵誅劬群臣勸進駿遂即帝位

世祖孝武帝名駿文帝第三子初封武陵王起兵誅太子劬遂即帝位在位十一年壽三十五

十五年

孝建元年甲午○魏武帝稱高允曰如高允

者真忠臣也朕有過未嘗不面言朕聞其過而

天下不知可不謂之忠乎遊雅常曰余與高子

遊處四十年未嘗見其喜愠之色乃知古人為

不誣耳昔崔司徒嘗謂豐才博學一代所推所

乏者矯矯風節耳余亦以為然及司徒得罪詔

旨臨責聲嘶股栗始不能言高允獨敷陳事理

辭義清辯人主為之動容此非所謂矯矯者乎

宗愛用事威震四海王公趨庭望拜高允獨升

階長揖此非所謂風節乎夫人固未易知吾既

失之於心崔又漏之於外此乃管仲所以致慟

於鮑叔也○宋主好狎侮群臣皆有稱目惟憚

蔡興宗方嚴議曹郎王耽之曰蔡豫章昔在相

要見魏之論即
周公陳邠風之
意惜乎孝武之
不能從也

府亦以方嚴不狎武帝宴私之日未嘗相名尚
書今日可謂能負荷矣○宋主為人機警勇決
學問博洽文章華敏省讀書奏能七行俱下又
善騎射而奢欲無度大脩宮室土木被錦繡侍
中袁凱因盛稱高祖儉素之德宋主曰田舍公
得此已為過矣
十一年甲辰宋主駿殂太子業即位業殘暴日甚
宗室百官濫被誅殺壽寂之弑之迎湘東王彧
即位

太宗明帝名彧文帝第十一子初封湘東王及廢帝被誅大臣迎彧立之在位七年

壽三十四

秦始元年乙巳魏主殂太子弘即位高宗長子也是為顯祖獻文皇帝

三年丁未○魏皇興元年宋主遣蕭道成將千人鎮淮陰

道成收養豪傑賓客始盛道成後為齊太祖○宋主賜

王景文死景文正與客圍棋叩函看已復置局

下神色不變局竟斂子納奩畢徐曰奉勅見賜

以死方以勅示客及作黑啓致謝飲藥而卒

七年辛夷○魏高祖孝文帝拓跋弘延興元年魏顯祖聰睿夙成剛

毅有斷而好黃老浮屠之學每引朝士及沙門

共談玄理雅薄富貴常有遺世之心乃傳位於

太子宏時方五歲顯祖長子是為高祖孝文帝改元延興高

祖幼有至性顯祖病癰高祖親吮及受禪悲泣

不自勝顯祖問其故對曰代親之感內切於心

八年壬子宋主彧殂太子昱即皇帝位時方十歲

蒼梧王名昱明帝長子在位五年為蕭道成所弒壽十五

元徽元年甲寅○魏宋沈攸之與蕭道成同直

殿省相善至是道成一且專權攸之不平謂元

琰曰吾寧為王陵死不為賈充生又遺道成書

曰足下既有賊宋之心吾寧敢捐包胥之節○

袁粲誅蕭道成不克而死

裴子野曰袁景倩民望國華受付託之重智不足以除姦權不足以處變及九鼎既傾三才將換區區斗城之裏出萬死而不辭蓋蹈匹夫之節而無棟梁之具矣

魏顯祖勤於為治賞罰嚴明慎擇牧守進廉退

貪尤重刑罰大刑多令覆鞠或囚繫積年群臣

多以為言上曰滯獄誠非善治不猶愈於倉猝

要見人君以教化而使民興善者有矣未聞以囹圄積滯而起民之善心也

而濫乎夫人憂苦則思善故智者以囹圄為福堂朕特苦之欲其改悔而加矜恕爾○宋衡陽王義季嘗春月出遊有老父被苦而耕左右斥之老父曰盤于遊畋古人所戒今陽和布氣一日不耕民失其時奈何以從禽之樂而驅斥老農也義季止馬曰賢者也命賜之食辭曰大王不奪農時則境內之民皆飽大王之食矣義季問其名不告而退○南陽宗慤家世儒素慤獨好武事常言願乘長風破萬里浪至是自請願

從檀和之為前鋒林邑王陽邁傾國來戰以具裝被象前後無際宗慤曰臣聞外國有獅子威服百獸乃製其形與象相拒象果驚走和之遂克林邑所獲之寶不可勝計慤一無所取還家衣櫛蕭然

順帝

名準明帝第三子初封安成王及蒼梧王被弑蕭道成迎而立之在位三年復為道成所弑壽十四

昇平元年丁蕭道成假黃鉞出頓新亭謂江淹曰天下紛紛君謂何如淹曰成敗在德不在衆

寡公雄武有奇畧寬容而仁恕賢能畢力民望所歸奉天子以伐叛逆五勝也彼沈攸之志銳而氣小有威而無恩士卒解體縉紳不懷懸兵數千里而無同惡相濟五敗也○蕭道成以謝朓有重名欲引參佐命嘗與論魏晉故事因曰石苞不早勸晉文死方慟哭方之馮異非知幾也朓曰晉文世事魏室必將身終北面借使魏行唐虞故事亦當三讓彌高道成不悅以朓為侍中○宋主昱忌蕭道成威名欲殺之道成憂

懼使楊玉夫弑昱迎立安成王準準即位時年十一

右宋八主合六十年

齊紀 附北朝魏

太祖高帝

名道成姓蕭氏漢蕭何三十四世孫初仕宋以功封齊公進爵齊王竟代

宋在位四年壽五十四

建元元年

己未○是歲宋絕齊代

宋封道成為齊王未幾

稱禪即皇帝位○裴覬上表數齊王過惡掛冠竟去齊主殺之○劉獻因齊主問政答以政存

孝經戒宋氏之失加以寬厚齊主曰儒者之言可寶萬世也

四年壬戌齊高帝殂太子即位高帝沉湎有大量

博學能文性清儉每日使我治天下十年當使

黃金與土同價

世祖武帝名頥高帝長子在位十一年壽五十四

高閭言於魏高祖曰築長城五利罷遊防之苦

一也北部放牧無抄掠之患二也登城觀敵以

逸待勞三也息無時之備四也歲常遊運求得

不價五也○齊蕭衍好籌略有文武才幹王儉

澁器異之曰蕭郎出三十貴不可言衍後為王梁太祖

儉領國子祭酒言論造次必於儒者常謂人曰

江左風流宰相唯有謝安意以自比○高允歷

事五帝出入三省五十餘年未嘗有譴為人仁

恕簡靜雖處貴重情同寒素至是卒年九十八

永明十一年癸酉魏主以平城地寒風沙常起將

遷都洛陽恐群臣不從乃大舉伐齊行至洛陽

帝戎服執鞭乘馬而出諭群臣曰朕世居幽朔

欲南遷中土苟不南伐當遷都於此時舊人雖
不願內徙而憚於南伐無復敢言者遂定遷都
之計○齊主廼西昌侯鸞奉太孫鬱林王昭業
立之既而弒昭業迎立新安王昭文復廢昭文
爲海陵王而自卽位

高宗明帝

名鸞高帝兄始安貞王之子廢海陵王而自立在位五年壽四十

建武元年甲戌魏主謂陸叡曰北人每言北俗質
魯何由知書朕聞之潑用憮然今知書者甚衆
豈皆聖人顧學與不學爾朕脩百官興禮樂其

志固欲移風易俗朕爲天子何必居中原正欲
卿等子孫漸染美俗耳○魏高祖好讀書手不
釋卷在輿據鞍不忘講道善屬文多於馬上口
占旣成不更一字又好賢樂善所與遊接常寄
以布素之意如李冲李彪高閭王肅郭祚之徒
皆以文雅見親制禮作樂蔚然可觀有太平之
風焉○顧嵩對齊主曰繁碎職事各有司存今
人主總而親之是人主愈勞而人臣愈逸所謂
代庖人宰而爲大匠斲也齊主不顧而言他

五年戊寅齊主頊太子寶卷即位

東昏侯名寶卷明帝第三子在位一年為蕭衍所弒壽一十九

永元元年己卯魏高祖頊太子恪即位是為世祖宣武皇帝

○齊主嬉戲無度數誅大臣專親信宦官及左

右是時始安王遙光等更直內省分日帖敕雍

州刺史蕭衍聞之謂張宏策曰一國三公猶不

堪况六貴同朝六貴指王遙光徐孝嗣江祐蕭坦之江柎刘暄等六人也亂

將作矣乃密脩武備聚驍勇豫州刺史裴叔業

遣人至襄陽問蕭衍以自安之計曰天下大勢

何如恐無復自存之理不若回面向北不失作

河南公衍報曰群小用事豈能及遠若意外相

逼當勒馬步二萬直取橫江以斷其後則天下

之事一舉可定若欲北向彼必遣人相代以河

北一州相處河南公寧可復得耶

二年庚辰○魏世宗宣武帝恪景明元年齊蕭衍移檄建康數寶

卷罪惡稱奉宣德皇太后令南康王纂承皇祚

廢寶卷為東昏侯

和皇帝名寶融明帝第八子在位一年禪位于梁尋頊壽一十五

中興元年辛巳程茂薛元嗣議以郢城降使張孜為書與衍張冲故吏房長瑜曰前使君忠貫昊天郎君但當坐守畫一以荷析薪若天運不與當幅巾待命不從○蕭衍既廢東昏侯豫州刺史馬僊瑛與興太守袁昂俱不降乃檻送石頭衍釋之曰今天下見二義士皆厚遇之發明云書既而

右齊七主合二十四年

梁紀 附北朝東魏

高祖武帝

諱衍姓蕭氏蘭陵人仕齊封梁公進爵為王竟代齊在位四十八年壽八

十六

天監元年

壬午○是歲齊亡

齊封蕭衍為梁公未幾進

爵為王稱禪即皇帝位

十四年

乙未

魏主殂太子詡即皇帝位

是為肅宗孝明皇帝

胡太后臨朝稱制是歲作永寧寺極土木之美為九層浮圖高九十丈上刹復高十丈每夜靜鈴鐸聲聞十里僧房千間珠玉錦繡駭人心目自佛法入中國塔廟之盛未之有也

十六年丁酉○魏肅宗孝明帝詔熙平二年梁詔宗廟用牲宰有

累寔道宜皆以麩爲之於是朝野諠譁以宗廟

去牲乃是不復血食梁主竟不從梁主遣魏使

董紹還曰戰爭多年民物塗炭是以不耻先言

卽宜備申此意夫立君以爲民也凡在民上豈

可不思此乎書法云此仁人之言也○魏世宗專尙釋氏

不事經籍裴延儻上疏曰五經治世之模楷應

物之所先也

十八年已魏崔亮爲吏部尙書奏爲格制不問

士之賢愚專以停解日月爲斷沉滯者皆稱其

能洛陽令薛淑上書言黎元之命繫於長吏若

以選曹唯取年勞不簡賢否執簿呼名一吏足

矣數人而用何謂銓衡銓量也衡平也所以量度人物而爲之平也

不報其後甄瓌等繼亮爲吏部尙書利其便已

踵而行之魏之選舉失人自亮始也吉玢父爲

原鄉令爲奸吏所誣罪當死玢年十五乞代父

命梁王以其幼疑人教之使廷尉蔡叔度訊之

玢曰囚雖愚幼豈不知死之可憚但不忍見父

極刑故求代之奈何受人教耶叔度以聞上乃宥其父罪丹陽尹王志欲於歲首舉孝純孝玠曰異哉王尹何量我之薄乎父辱子死道固當然若玠當此舉乃是因父取名何辱如之固辭而止

大通二年

戊申○魏敬宗孝莊帝子攸永安元年

魏太后臨朝以

來嬖倖用事威恩不立盜賊蜂起是時討虜大都督爾朱榮兵勢強盛魏朝憚之高歡往歸榮榮曰但言爾意歡曰今天子闇弱太后淫亂嬖孽擅命朝政不行以明公威武乘時奮發霸業可舉鞭而成榮大悅○魏鄭儼徐紇等陰與太后謀醜殺魏主欲立故臨洮王世子釗釗始生三歲爾朱榮聞之迎立長樂王子攸攸即位

是為敬宗孝莊皇帝○魏賈思伯為待講傾身下士人問曰公何以能不驕伯曰衰至便驕何常之有當世以為雅談

中大通元

西

梁主幸同泰寺設四郡無遮大會

釋御服持法衣行清淨大捨素床瓦器親為寺

衆講涅槃經

梵語涅槃華言示寂也佛以人施其精神常存佛之施示寂威而已

非真也群臣以餞億萬奉贖表請還宮三請乃許

二年

庚戌

魏爾朱榮雖居外藩遙制朝政魏

主常快快不樂遂與成陽王徽圖榮殺之汾州

刺史爾朱兆聞榮死自汾州帥騎據晉陽推太

原長廣王曄即皇帝位兆輕兵叩宮門執魏主

縊殺之梁湛僧智圍魏元慶和于豫州夏侯夔

引兵助之慶和降夔以讓僧智僧智曰慶和欲

降公僧智今往必乖其意公持軍素嚴必無侵

暴受降納附深得其宜

溫公曰僧智忘其積時攻戰之勞以授一朝新至之將知己之短不知掩人之長功成不

取以濟國事忠直無私可謂君子人也

梁陳慶之自魏還曰吾始以為大江以北皆戎

狄之鄉及至洛陽乃知衣冠文物非江東所及

也○魏爾朱兆委高歡統并州鎮兵長史慕容

紹宗諫曰方今四方紛擾人懷異望高公雄才

蓋世復使握大兵於外譬如借蛟龍以雲雨將

不可制矣兆弗聽○魏宇文泰以政事問蘇綽

臥而聽之，綽陳爲治之要素，起整衣冠危坐，不覺達曙，詰且謂周惠達曰：蘇綽真奇士，卽拜左丞，參典機密。○梁處士陶弘景，梁主有大議，必先諮之，時人謂之山中宰相。

三三年

辛亥○魏節閔帝恭普泰元年

魏爾朱世隆以長廣王

之命禪位于廣陵王恭

是爲節閔皇帝

魏高歡起兵討

爾朱氏

四年

壬子○魏孝武帝脩永熙元年

魏高歡擊殺爾朱兆

等，盡滅爾朱氏之黨，遂幽節閔帝於崇訓佛寺。

既殺之，更立平陽王脩

是爲孝武帝

五年

癸丑

魏賀拔岳遣使詣晉陽，與歡約爲

兄弟，司馬宇文泰自請詣晉陽，以觀歡之爲人，歡奇其狀貌，曰：此兒視瞻非常，將留之。泰固求復命，歡既遣而悔之，泰至長安，謂岳曰：高歡所以未篡者，正憚公兄弟爾，公但潛爲之備，圖歡不難。岳大悅，表泰爲夏州刺史。

六年

甲寅○東魏孝靜帝善見天平元年○是歲魏分爲二凡三國中軍

將軍王思政言於魏主曰：高歡之心，昭然可知。

洛陽非用武之地宇文泰乃心王室宜往就之
魏主然之遂入長安以泰為尙書令軍國之政
咸取決焉未幾帝復與泰有隙飲酒遇醜而殂
泰乃奉南陽王寶炬立之是為文帝○梁太子綱嘗
於玄圃自講老莊何敬容謂人曰昔西晉祖尙
玄虛使中原淪於胡羯今東宮復爾江南亦將
為我乎

大同元年乙卯東魏封丞相歡之子洋為太原公

十一年乙丑梁賀瑋啓陳四事一日民不堪命各務流移收守

之過也二日守宰貪殘由風俗侈靡誠宜禁制
節儉也三日斗筲之人詭競求進不論國之大
體唯務吹毛求疵四日天下無事猶
不暇給誠宜省事息費養民聚財也

梁主切責之梁主為人孝慈恭儉博學能文陰

陽卜筮騎射聲律草隸圍棋無不精妙勤於政

務冬月四更竟即起視事執筆觸寒手為皴裂

敝七倫反細皮起也自天監中用釋氏法長齋斷魚肉日

止一食惟菜羹糲飯而已或遇事繁日移中則

嗽口以過身衣布衣一冠三載一衾三年對內

豎小臣內豎未冠者宦官名如遇大賓然優假士人太過

偏慈慈悲之戒
多為泣者之樂
此罪無所懲而

自畫大都殺人
不忌江南所以
大亂也

牧守多侵漁百姓又好多造塔廟公私廢損江
南久安風俗奢靡故瓌奏及之○梁主專精佛
戒每斷重罪則終日不懌或謀逆事覺亦泣而
宥之由是王侯益橫或白晝殺人或晝夜剽掠
上濶知其弊而溺於慈愛不能禁也

太清元年丁卯東魏獻武王高歡卒歡性濶密人
不能測機權之際變化若神制馭軍旅法令嚴
肅聽斷明察不可欺犯由是文武樂爲之用高
歡臨終謂子澄曰侯景專制河南嘗有跋扈之

要見無敵之獲
乃有道之所獲
憂納景則魏好
不終而梁之禍
從此始矣

志我死堪敵之者惟慕容紹宗我故不貴之留
以遺汝○東魏定州刺史侯景自念已與高氏
有隙內不自安據河南叛歸于魏又遣丁和來
上表言臣與高澄有隙請舉十三州內附上名
群臣廷議尙書僕射謝舉等皆曰頃歲與魏通
和邊境無事今納其叛臣竊謂非宜上曰得景
則塞北可清機會難得豈宜膠柱然意未決嘗
獨言我國家如金甌無一傷缺今忽受景降詎
是事宜脫致紛紜悔之何及朱异揣知上意勸

帝納之乃以景爲大將軍封河南王周弘正善
占候前此謂人曰國家數年後當有兵起及聞
納景曰亂階在此矣○東魏使軍司杜弼作檄
移梁曰侯景自生猜忌遠托關隴依憑奸僞逆
主定君臣之分僞相結兄弟之親豈曰無恩終
成難養今乃授之以利器誨之以慢藏使其勢
得容奸時堪乘便則必自據淮南亦欲稱帝但
恐楚國亡猿禍延林木城門失火殃及池魚其
後梁室禍敗皆如弼言

二年

戊辰

侯景與東魏戰敗自求貶削梁主以景

兵新破未忍移易即以景爲南豫州牧蕭介上
表諫曰竊聞凶人之性不移天下之惡一也侯
景以凶狡之才荷高歡卵翼之遇歡墳土未乾
卽還返噬逃死關西宇文不容故復投身於我
棄鄉國如脫屣背君親如遺芥豈知遠慕聖德
爲江淮之純臣乎梁主不能用○東魏大將軍
高澄遣書復求通好梁主與朝臣議之朱异等
曰靜寇息民和實爲便司農卿傅岐曰高澄何

事須和，必是設閒，欲令侯景自疑，圖禍亂耳。若許通好，正墮其計。朱异等固執宜和，梁主亦厭用兵，乃從异言。景果為反計。○臨賀王正德屢得罪於梁主，心甚憤恨。侯景知之，致賤於正德，願思自效。正德大喜，及景反，密以大船數十艘濟景兵於橫江，亦率衆迎景于宣陽門，至闕下，正德僭號稱皇帝。

三年_{己巳}，侯景攻其臺城，陷之。梁主歎曰：自我得之，自我失之，亦復何恨！俄而景入見帝於太極

東堂，以甲士五百人自衛。景誓願殿下，不敢仰視，汗流被面。退謂王僧貴曰：吾嘗跨鞍對陳矢刃，交下了無怖心，今見蕭公使人自憎，豈非天威難犯，吾不可以再見之。是後梁主所求多不遂，志飲膳亦為所裁節，憂憤成疾，口苦求蜜，不得，再曰：荷荷。猶云呵呵，怨怒聲也。遂殂，年八十六。太子綱即位。

太宗簡皇帝

諱綱，武帝第三子，在位二年，為侯景所弒，壽四十九。

元年

庚午○梁太宗大寶元年，齊景宗高洋天寶元年○是歲東魏亡，齊代之。東魏

進太原公高洋爵齊王王即皇帝位○魏丞相
秦始籍民之財力者為府兵身租庸調一切蠲
之以農隙講閱戰陳馬蓄糧糶六家供之令為
百府每府一郎將主之分屬二十四軍唐之府兵本

此

二年辛未魏主殂太子欽立○侯景逼梁主禪位
於豫章王尋弑之景自稱帝於南郊侯景使子
鑿寇吳興太守張暎書生不閑軍旅或勸暎迎
降暎歎曰吾豈不知此難久全但以身許國有

死無貳耳戰敗還府整服安坐子鑿執送建康
景欲活之暎曰吾忝任專城朝廷傾危不能匡
復速死為幸景欲存其一子暎曰吾一門已在
鬼錄不就爾虜求恩景怒遂殺之

世祖孝皇帝

諱繹武帝第七子初封湘東王及簡文被弑乃即位於江陵在位三

年會西魏入寇帝出降尋被弑壽四十七

元年

壬申梁湘東王繹與王僧辨陳霸先等擊侯

景斬之僧辨等上表勸進湘東王答曰淮海長

鯨雖云授首

長鯨喻侯景

襄陽短狐未革面

短狐喻岳陽王

晉詩晉 太平玉燭 泰階六星平則治 爾乃議之

十一月王乃即位於江陵

二年 癸酉 魏太師泰廢魏主欽立弟齊王廓 是為恭帝

○齊主高洋使魏收撰魏書頗用愛憎為褒貶

時人謂之魏收穢史○魏于謹伐梁長孫儉謂

謹曰為釋計將何如謹曰耀兵漢沔還據丹陽

上策也退保子城以待援軍中策也難於移動

據守羅郭下策也釋必出下策○魏遣于謹宇

文護等寇梁梁主好談玄聞魏兵至尚戎服講

老子巡城猶口占為詩群臣亦有和者魏攻城

急梁主出降○魏立梁主晉 音察 為梁王資以荆

州之地是為後梁 梁昭明太子之子附於魏

敬帝 名方智元帝第九子在位二年禪位於陳尋被弒壽一十六

紹泰元年 乙亥○後梁中宗宣帝蕭譽天定元年 初王僧辨與陳

霸先共滅侯景情好甚篤及僧辨納貞陽侯淵

明霸先遣使苦爭之僧辨不從霸先乃舉兵襲

僧辨執而益殺之貞陽侯淵明遜位出就邸冬

十月晉安王即皇帝位加陳霸先征西大將軍

太平元年丙子魏安定公宇文泰病名中山公護謂曰吾諸子皆幼外寇方彊天下之事屬之於汝宜努力以成吾志尋卒泰能駕馭英豪明達政事崇儒好古凡所施設皆依倣三代為之魏封其世子覺為周公宇文護以周公幼弱欲早使正位以定人心遂以魏恭帝詔禪位于周周公即天王位是為愍帝魏亡

右梁四主合五十四年

陳紀 附北朝周齊

高祖武帝名霸先姓陳氏吳興人漢不丘長寔之後初仕梁封陳公尋進爵為王竟代梁在位三年壽五十九

永定元年丁丑○周孝愍帝宇文覺元年九月以後世宗明帝毓元年○是歲梁魏

皆亡陳周代并周晉公護弒愍帝寧都公毓即

天王位愍帝弟是為世宗明皇帝○梁敬帝禪位于陳王霸

先霸先即皇帝位梁亡

三年巳卯陳主殂陳主臨戎制勝英謀獨運而為

政務崇寬簡臨川王蒨即位○周主始稱皇帝

世祖文帝名蒨武帝兄始興王之長子武帝無嗣乃入承大統在位七年壽四十五

天嘉元年

庚辰○齊主殷乾明元年
肅宗孝昭帝演皇慶元年

○周世宗

殂武帝即位○周主養老于太學以于謹為三

老進饌禮畢周主北面立而詢道謹曰言行者

立身之基願陛下九思而言九慮而行勿使有

過○齊太后廢齊主為濟南王以常山王演入

纂大統

是為肅宗

二年

辛巳○周高祖武帝邕保定元年
○齊世祖武成帝湛大寧元年

齊肅宗

殂世祖即位

三年

壬午○後梁世後梁主晉殂太子歸即位
宗肅天保元年

五年

甲申○齊後主

齊主傳位於太子緯太子

即位

七年

丙戌陳主殂太子即位○陳主欲立弟安成

王頊孔奐泣曰皇太子聖德日躋安成王足為

周且若有廢立之心臣誠不敢奉詔陳主曰古

之遺直復見於卿○陳主勤於為治勅傳夏籙

于殿中者必投籙於階石之上令鎗然有聲曰

吾雖眠亦令驚覺

臨海王

名伯宗文帝太子在位二年為安成王
頊所廢尋薨壽十九史曰廢帝

光大三年戊子陳安成王瑱廢帝為臨海王自即帝位○魏末以來縣令多用廝役由是士流耻為之僕射元文遙以為縣令治民之本遂請革選密擇貴遊子弟發敕用之齊之士人為縣令自此始○楊忠子堅為小官伯宇文護欲引以為腹心忠曰兩姑之間難為婦汝其勿往堅乃辭之至是忠卒堅襲封

高宗宣帝名瑒始興王第二子廢臨海王自立在位十四年壽五十二

大建三年辛卯○齊武平二年○周天和六年周楊素少多才藝

有大志不拘小節周主命素為詔書下筆立成詞義兼美周主曰勉之勿憂不富貴素曰但恐富貴來逼臣臣無心圖富貴也陳桃根上織成羅文錦被詔於雲門外焚之○周韋孝寬謀伐齊故陳三策一言與陳人合兵共為犄角一言國家若未即大舉宜廣事屯田預為積貯三言若欲更存邊養且復相時宜宗鄰好申其盟約而已矣

七年乙未周主如雲陽宮大將軍楊堅姿相奇偉

來和嘗謂堅曰公眼如曙星無所不照當王天下

九年丁酉○齊幼主恒承光元年是歲齊亡陳周并後梁凡三國周主自將

伐齊圍鄒齊人出戰周大破之齊王從百騎東

走追及禽之北齊亡五年合二十七年

十年戊戌○周宣帝贊宣政元年周高祖殂太子贊即位是為

宣帝

十一年己亥○周靜帝闡大象元年周宣帝傳位於太子闡

是為靜帝自稱天元帝驕侈彌甚無所顧憚

十二年庚子○周太象二年周天元昏暴滋甚后父隋公

堅位望隆重天元忌之堅不自安天元幸天興

宮不豫而還是日天元殂○周以堅為相國總

百揆進爵為王

十三年辛丑○隋高祖文帝揚堅開皇元年是歲周亡隋代凡二國周主禪

位於隋周亡五年合○蘇威言於隋主曰臣先

人每戒臣云惟孝經一卷足以立身治國何用

多為

十四年壬寅陳主殂太子叔寶即位

長城公

名叔寶高宗長子史曰後主在位七年為隋所滅以仁壽四年薨壽五十二

至德三年

乙巳隋開皇五年

秘書監牛弘上表曰典籍

屢經喪亂率多散逸周氏聚書僅盈萬卷為國

之本莫此為先隋主從之詔獻書一卷齊錄一

匹○隋柳或見隋主勤于聽受百僚奏請多有

煩碎上疏諫曰自古聖帝莫過唐虞然皆勞於

求賢逸於任使陛下留心治道無憚疲勞臣願

少減煩務惟經國大事非臣下所能裁斷者奏

請詳決自餘細務責成所司隋主嘉之曰柳或

真上國之寶也○隋主不喜辭華詔天下公私

文翰並宜實錄治書侍御史李諤亦以當時屬

文體尚輕薄上書曰魏之三祖崇尚文辭忽君

人之大道好雕蟲之小藝下之從上遂成風俗

江左齊梁其弊彌甚競一韻之奇爭一字之巧

連篇累牘不出月露之形積案盈箱盡是風雲

之狀世俗以此相高朝廷據茲擢士祿利之路

既開愛尚之情愈篤於是閭里童昏貴游總州

未窺六甲先製五言故文筆日繁其政日亂良

由棄大聖之軌模，構無用以爲用也。詔以諤所奏，頒示四方。○陳主於光昭殿前起臨春，結綺，望仙，三閣，各高數十丈，連延數十間，其牕牖壁帶懸楣欄檻，皆以沉檀爲之，飾以金玉，間以珠翠，外施珠簾，內有寶牀寶帳，其服玩瑰麗，近古所未有。其下積石如山，引水爲池，雜植奇花異卉，上每飲酒，使諸妃嬪及女學士與狎客共賦詩，互相贈答，采其尤豔麗者，被以新聲，選宮女千餘人習而歌之，其曲有玉樹、後庭花、臨春樂。

等大畧皆美，諸妃嬪之容色，君臣酣歌，自夕達旦，以此爲常。

四年

丙午○梁後主琮廣運元年

梁主殂，太子琮嗣。○隋度

支尚書長孫平奏，令民每秋家出粟麥一石以下，貧富爲差，儲之當社，委社司檢校，以備凶年，名曰義倉，隋主從之。

禎明元年

丁未○隋開皇七年

八月，隋徵梁主

入朝，廢梁國。

後梁三主凡三十三年

○隋將伐陳，命大作

戰船，人請密之，隋主曰：吾將顯行天討，何密之

有使投梯於江曰若彼惧而能改吾復何求也
二年^{戊申}初隋主問取陳之策於高穎高穎對曰
江北地寒田收差晚江南水田早熟量彼收穫
之際徧徵士馬聲言掩襲彼必屯兵守禦足以
廢其農時彼既聚兵我佯解甲再三若此彼以
爲常後更集兵彼必不信猶豫之頃我乃濟師
登陸而戰兵氣益倍又江南土薄舍多茅竹所
有儲積皆非地窖密遣行人因風縱火待彼脩
立復更燒之不出數年自可財力俱盡隋主用

其策陳人始困至是隋出師伐陳軍於臨江高
穎謂薛道衡曰今茲大軍江東必可克乎道衡
曰克之嘗聞郭璞有言江東分王三百年復與
中國合今此數將周一也主上恭儉勤勞叔寶
荒淫驕侈二也國之安危在所寄任彼以江總
爲相唯事詩酒三也我有道而大彼無德而小
量其甲士不過十萬西自巫峽東至滄海分之
則勢懸而力弱聚之則守此而失彼四也席卷
之勢事在不疑穎忻然曰得君言成敗之理令

按道衛之論成敗不出天時地利人和三者而已使顛早聞衛言則襲陳詭計不必用可也

人豁然○陳主從容謂侍臣曰王氣在此齊兵三來周師再來無不摧敗彼何為者耶孔範曰長江天塹古以為限隔南北今日虜軍豈能飛渡耶帝笑以為然故不為濠備奏伎縱酒賦詩不輟

三年

已酉○隋開皇九年○是歲陳亡

賀若弼自北道韓擒虎

自南道竝進緣江諸戍望風盡走擒虎入朱雀

門陳主惶遽自投于井執送長安

陳亡

○隋滅陳

楊廣欲得張麗華高顛斬之廣恨之曰我必有

以報高公矣○陳許善心使隋而為隋所留陳

滅善心衰服號泣東向坐三日隋主曰我平陳

唯獲此人既能懷其舊君即我之誠臣也○賀

若弼韓擒虎爭功于帝前若弼曰臣在蔣山破

其銳卒擒其驍將震其威武遂平陳國擒虎曰

臣以輕騎五百直指金陵擒張叔寶弼夕至臣

啓關納之上曰二將俱為上勲

右陳五主合三十二年

隋紀

高祖文皇帝

名堅，姓楊氏，華陰人。漢太尉楊震之裔，父忠，事魏及周，封隋公。至堅

進爵為王，稱帝在位二十四年，為太子廣所弑，壽六十四。

開皇十年

庚戌

上性猜忌，不悅學。既任智以獲大

位，因以文法自矜，明察臨下，常令左右覘視內

外，有過失則加以重罪。又患令史贓汙，私使人

以錢帛遺之。

遺贈也。

得犯立斬，每以殿廷捶人，又

嘗於殿廷殺人。兵部侍郎馮基固諫，上不從。然

亦尋悔，宣慰馮基，而怒群臣之不諫者。○龐晃

等短高頴，帝怒，皆黜之。親禮愈密，因謂頴曰：公

猶鏡也，每被磨瑩，皎然益明。○隋平陳，獲宋齊

樂器，工人奏之，歎曰：此華夏正聲也。乃調五音

為五夏二舞，登歌房內等十四調，賓祭用之。○

辛公義為并州刺史，凡訟事立決，有須禁者，公

義即宿廳事，終不還閣。或諫之，公義曰：刺史無

德，不能使民無訟，豈可禁人在獄而安寢于家

乎？罪人聞之，咸自歎服。後有訟者，鄉閭父老遽

曉之曰：此小事，何忍勤勞使君訟者兩讓而止。

○江表自東晉已來，刑法疏緩，世族陵駕寒門。

當時瘡痍未起
呻吟未息而遽
以五教責之此
所謂救死不贖
奚暇治禮父也
宜士女怨而叛
者起乎

平陳之後牧民者盡更變之蘇威復作五教使
民無長幼悉誦之士民嗟怨民間復訛言隋欲
徙之入關遠近驚駭於是陳之故境皆反曰夏
能使儂誦五教耶吳語謂我為儂詔以楊素為行軍總
管討之乃定○以刘曠為營州刺史刘曠有異
政以義理曉諭訟者皆引咎而去獄中草滿庭
可張羅高頴薦之為呂州刺史
十五年乙卯三月仁壽宮成上幸之見制度壯麗
大怒曰楊素殫民力為離宮為吾結怨天下○

楊素才藝風調優於高頴至於推誠體國處物
不當有宰相識度不如高頴遠矣

十七年丁巳帝以盜賊繁多命盜一錢以上皆棄
市或三人共盜一瓜事發即死天下慄慄有數
人劫執事而謂之曰吾豈求財者邪但為枉人
來耳而為我奏至尊自古以來體國立法未有
盜一錢而死也而不為我以聞吾更來而屬無
噍類矣帝聞之為停此法

二十年庚申廢太子勇立晉王廣為皇太子○初

帝之克陳也天下皆以爲將太平監察御史房彥謙私謂所親曰主上忌刻而苛酷太子卑弱諸侯擅權天下雖安方憂危亂其子女齡亦密言於彥謙曰主上本無功德以詐取天下諸子皆驕奢不仁必自相誅夷今雖承平其亡可翹足待吏部侍郎高孝基名知人見玄齡嘆曰僕聞人多矣未有如此郎者異日必爲偉器見杜如晦謂曰君有應變之才必任棟梁之重俱以子孫託之○齊州行參軍王伽送流囚李叅等

七十餘人詣京師行至滎陽哀其辛苦伽乃悉脫其枷鎖與約曰某日當至京師如致前却吾當爲汝受死遂舍之而去流人感悅如期而至一無離叛上聞而驚異於是悉召流人携負妻子俱入賜宴於殿庭而赦之

仁壽三年

癸亥 龍門 在蒲州

王通詣闕獻太平十二

策上不能用罷歸通遂教授於河汾之間弟子自遠至者甚衆累徵不起楊素甚重之勸之仕通曰通有先人之弊廬足以蔽風雨薄田足以

具養粥厚曰養讀書談道足以自樂願明公正

身以治天下使時和年豐通也受賜多矣不願

仕也或譖通於素曰彼實慢公公何敬焉素以

問通通曰使公可慢則僕得矣不可慢則僕失

矣得失在僕公何與焉弟子賈瓊問息諂通曰

無辨問止怨曰不爭通嘗稱無赦之國則刑必

平重斂之國其財必匱又曰聞諂而怒者讒之

囹音訛鳥媒也也見譽而喜者佞之媒也絕囹

去媒讒佞遠矣大業末卒門人謚曰文中子

尹遜昌曰先儒謂王通為隱君子使其教授
河汾著書講道以淑其身何不可之有而必

欲鼓瑟於齊王之門自取絀
辱是豈席珍待聘之君子哉

高祖嘗謂群臣曰前世天子溺於嬖幸嫡庶分

爭或至亡國朕旁無姬侍五子同母可謂真兄

弟也豈有此憂耶又懲周室諸王微弱故使諸

子分據大鎮及其晚節迭相猜忌五子皆不以

壽終

四年甲子正月帝不豫太子廣弒帝於太極殿高

祖性屬重勤於政事愛養百姓勸課農桑輕徭

薄賦其自奉參務為檢素非享宴所食不過一
肉後宮皆服澣濯之衣天下化之受禪之初民
戶不滿四百萬末年踰八百九十萬然猜忍苛
察信受讒言功臣故舊無始終保全者乃至子
策皆如仇敵此其所短也

煬皇帝名廣文帝第二子初封晉王末幾殺兄
譙為皇太子仁壽末弑父而自立在位

十三年巡狩揚州為字
文化及所弑壽年十九

大業元年乙丑敕封德彝等營顯仁宮發大江以
南五嶺以北奇材異石輸之洛陽又求海內嘉

屢見遲人為之
巧以奪造化之
工其亦作无益
以害有益矣

木異草珍禽奇獸以實苑囿自長安至江都置
宮四十餘所又築西苑周二百里其內為海周
十餘里為方丈蓬萊諸山高百餘尺臺觀宮殿
羅絡山上海北有渠縈紆注海內緣渠作十六
院門皆臨渠每院以四品夫人主之堂殿樓觀
窮極華麗宮樹秋冬彫落則剪綵為花葉綴之
沼內亦剪綵為荷菱芡芡色渝則易以新者每
於月夜縱宮女數千騎遊西苑作清夜遊曲於
馬上奏之○八月上幸江都舳舻相接二百里

旌旗蔽野所過州縣五百里內皆令獻食多者
一州至百舉極水陸珍奇後宮厭飫將發之際
多棄埋之

二年丙寅置洛口倉築倉城周回二十餘里穿三
千窖又置回洛倉於洛陽倉城周回十里穿三
百窖

三年丁卯車駕巡榆林歷雲中沂金河甲士五十
餘萬旌旗千里不絕突厥啓民可汗奉廬帳以
俟車駕帝幸其帳啓民奉觴上壽帝大悅賦詩

曰呼韓轡音賴至屠耆接踵來何如漢天子空上
單于臺○牛弘謂劉炫曰魏齊之時令史從容
而已今則不遑寧處何也炫曰往者州惟置綱
紀郡置守丞縣置令而已今大小之官悉由吏
部纖介之跡皆屬考功省官不如省事官事不
省而望從容其可得乎○西域諸胡多至張掖

漢之郡名
今甘州

交市帝使吏部侍郎裴矩掌之矩知
帝好遠畧諸商胡至者矩誘訪諸國山川風俗
撰西域圖記三卷合四十四國入朝奏之帝於

是慨然慕秦皇漢武之功自是西域諸胡往來
相繼所經郡縣疲於送迎糜費萬計平令中國
疲弊以至於亡皆矩之倡導也

六年庚午裴矩說帝曰高麗本箕子所封之地漢
晉皆爲郡縣今乃不臣陛下安可不取乃下詔
討高麗敕於東萊海口造船官吏督役晝夜立
水中畧不敢息自腰以下皆生蛆死者什三四
又發江淮以南民夫及船運黎陽及洛口諸倉
米至涿郡舳舻相次千餘里往還在道常數十

萬人死者相枕天下騷動於是始相聚爲群盜

○鄒平

屬濟寧府

民王簿擁衆據長白山自稱知世

郎言事可知矣又作無向遼東浪苑歌以相感
動避征役者多往歸之竇建德起兵漳南人爭
附之○薛道衡上高祖頌帝不悅曰此魚藻之
喻也

詩魚藻刺幽也言魚以依蒲藻爲得其性

今王政教衰群生不得其所故君子思古

之武王也煬帝謂薛道衡之頌高祖是亦思武王之喻

八年

壬申

車駕度遼攻城不克而還時集兵凡一

百一十二萬初以九軍度遼凡三十萬五千及

還惟二千七百資儲器械失亡殆盡

九年癸酉楊玄感反於黎陽子楊素以李密爲謀主

引兵向洛陽帝遣宇文述屈突通討之玄感兵敗死帝使裴蘊推玄感黨與謂蘊曰玄感一呼而從者十萬益知天下人不欲多多則相聚爲盜爾玄感圍東都時開倉賑給百姓凡受米者皆坑之

十年甲戌復徵兵伐高麗多不至高麗亦因弊遣使乞降○初開皇之末國家殷盛朝野皆以高

麗爲意刘炫獨以爲不可作抚夷論以刺之至是其言始驗○五月五日百僚多獻珍玩蘇威獨獻尚書或譖威尚書有五子歌帝怒除威名爲民

十二年丙子韋城翟讓亡命於瓦崗爲群盜衆至萬餘人同郡單雄信徐世勣李密等皆從之○內史侍郎虞世基以帝惡聞賊盜諸郡縣告敗求救者世基輒抑損不以聞由是盜賊徧海內陷沒郡縣帝皆弗之知也

恭帝

名侑文帝之孫初封代王唐公李淵立以為帝在位二年禪位于唐廢為鄜國公年

十五而薨

十三年

丁丑○恭帝侑義寧元年○長樂王竇建德元年○魏公李密元年○定楊可

汗刘武周天興元年○梁王梁師都永隆元年

○秦王薛舉泰興元年○梁王蕭銑鳴鳳元年

○是歲并李密翟讓等襲洛口倉破之開倉恣

民所取遠近來歸讓等推密為主號為魏公密

移檄郡縣數煬帝十罪且曰罄南山之竹書罪

无窮决東海之波流惡難盡○薛舉自稱西秦

王盡有隴西之地○內史舍人封德彝諂附虞

世基以世基不閑吏務密為指畫宣行詔命詔

順帝意故世基之寵日隆而隋政益壞皆德彝

所為也○五月李淵起兵太原○初淵四男建

成世民玄霸元吉世民聰明勇决識量過人見

隋室方亂陰有安天下之志晉陽宮監裴寂與

晉陽令刘文静相得文静見世民而異之潑自

結納謂寂曰此非常人豁達類漢高神武同魏

祖年雖少命世才也世民年四歲有書生見異

其年幾冠必能濟世安民乃採其語名曰世民文静坐與李密連謀繫

太原獄世民就省之文靜曰天下大亂非高光之才不能定也世民曰安知其無但人不識耳我來相省非兒女子之情欲與君議大事也計將安出文靜曰今主上南巡群盜萬數當此之際有真主驅駕而用之取天下如反掌耳太原百姓收集可得十萬人尊公所將之兵復且數萬以此乘虛入關號令天下不過半年帝業可成矣世民笑曰君言正合我意乃陰部署賓客淵不之知也世民乘閒屏人說淵曰今主上無

道百姓困窮晉陽城外皆爲戰場大人若守小節下有寇盜上有嚴刑危亡無日不若順民心興義兵轉禍爲福此天授之時也淵大驚曰汝安得爲此言明日世民復說淵曰今盜賊遍於天下大人受詔討賊賊可盡乎願大人勿疑淵乃嘆曰吾一夕思汝言亦大有理今日破家亡軀亦由汝化家爲國亦由汝矣先是裴寂以晉陽官人待淵淵從寂飲酒酣寂從容言曰二郎陰養士馬欲舉大事正爲寂以官人待公恐事

覺并誅為此急計耳衆情已協公意如何淵曰
吾兒誠有此謀事已如此當復奈何正須從之
耳淵乃命世民與文靜等各募兵遠近赴集旬
日閒近萬人文靜又勸淵與突厥相結資其士
馬以益兵勢淵從之○裴寂等請尊天子為太
上皇立代王侑為帝移檄郡縣西河郡不從命
淵使世民將兵擊之郡丞高德儒閉城拒守攻
拔之執德儒至軍門世民數之曰汝指野鳥為
鸞以欺人主取高官煬帝大業間有二孔雀飛
集朝堂前德儒奏以為鸞

拜朝散大夫

吾興義兵正為誅佞人耳遂斬之自餘

不戮一人遠近聞之大悅世民等引兵還晉陽
往返凡九日淵喜曰以此行兵雖橫行天下可
也遂定入關之計淵以子元吉為太原大守留
守晉陽宮自帥甲士三萬發晉陽隋遣宋老生
帥精兵二萬屯霍邑今霍州屈突通將驍果數萬
屯河東以拒淵會警積雨淵不得進淵以書招
李密密自恃兵強欲為盟主復書曰所望左提
右挈戮力同心執子嬰於咸陽殪商辛於牧野

豈不盛哉淵得書笑曰密妄自矜大非折簡可致吾方有事關中若遽絕之乃是更生一敵也不如身辭推獎以驕其志使爲我塞成臯之道綴東都之兵我得專意西征候關中平定據險養威徐觀蚌鷸之勢以收漁人之功未爲晚也乃復書曰天生蒸民必有司牧當今爲牧非子而誰密得書喜曰唐公見推天下不足定矣自是信使往來不絕雨久不止淵軍中糧乏或傳突厥與劉武周乘虛襲晉陽淵欲北還裴寂等

亦以爲不若遷救根本更圖後舉世民曰今禾菽被野何憂乏糧老生輕躁一戰可擒武周與突厥外雖相附內實相猜武周雖遠利太原豈可近忘馬邑本興大義奮不顧身以救蒼生當先入咸陽號令天下今遇小敵遽已班師恐從義之徒一朝解體淵不聽促令引發世民復號泣諫曰今兵以義動進戰則克退還則散衆散於前敵乘於後死亡無日矣淵乃悟追軍復還太原運糧亦至八月雨霽淵進軍大敗老生斬

之遂克霍邑李淵欲引兵西趣長安猶豫未決
裴寂曰不若先克河東然後西上長安必破矣
世民曰不然兵貴神速吾乘累勝之威撫歸附
之衆鼓行而西長安之人望風震駭智不及謀
勇不及斷取之若振稿葉耳且關中蜂起之將
未有所屬不可不早招懷也淵兩從之留諸將
圍河東自引兵而西淵軍濟河關中士民歸之
者如市隰城尉房玄齡謁世民於軍門世民一
見如舊識署記室參軍引爲謀主玄齡亦自以

遇知自罄竭心力知無不爲○蕭銑起兵巴陵
自稱梁王○李密據洛口黎陽等倉泰山道士
徐洪客獻書于密以爲大衆久聚恐米盡人散
師老厭戰難以成功勸密乘進取之機因士馬
之銳沿流東指直向江都執取獨夫號令天下
密壯其言招之莫知所之

胡致堂曰洪客之謀奇而正非惟李密不及
唐初諸人皆不及也天下未嘗無才或隱於
屠販或寄於盜賊洪客魏徵皆優游黃冠中
而抱匡時之畧懷濟世之具顧人不能知耳
以洪客此一言觀之其胸中之奇固多矣而
迄不自見豈其不及唐室之興而奄歟抑如

黃石公魯仲連之流歟
嗚呼其可謂高士矣

要見代唐以寬
意約法三章漢
室之所以興也
約法十二條唐
室之所以建也

李淵克長安與民約法十一條悉除隋苛禁馬
邑郡丞李靖素與淵有隙淵收靖將斬之靖大
呼曰公興義兵欲平暴亂而以私怨殺壯士乎
世民為之固請乃捨之世民因召置幕府靖少
負志氣有文武才畧其舅韓擒虎每撫之曰可
與言將帥之畧者獨此子耳○李淵備法駕迎
代王侑即皇帝位於天興殿時年十三遙尊煬
帝為太上皇以淵假黃鉞都督中外諸軍事進

封唐王王以建成為世子

右隋四帝合三十八年

綱鑑精采卷之十終

186
20
24

明治十年五月廿三日板權免許

同 十二月 出板

定價一圓五十錢

岡山縣平民

校正者 坂田 丈平

備中國第八大區九小區後月郡

西江原村三百六十一番地住

大坂府平民

松村 九兵衛

第二天區六小區心齊橋筋

壹丁目四十六番地住

糸金米...

